

Headline	Kumpul dana		
MediaTitle	Harian Metro		
Date	06 Mar 2012	Color	Full Color
Section	Rap	Circulation	324,097
Page No	r11	Readership	1,981,000
Language	Malay	ArticleSize	618 cm <sup>2</sup>
Journalist	ELRAFAEI SAPI	AdValue	RM 22,737
Frequency	Daily	PR Value	RM 68,211




# Kumpul dana

Brody, Camilla, Wilson tetamu istimewa  
Sapura & Kencana Petroleum Red Ribbon GP Ball 2012



**CAMILLA...** bakal menjadi tumpuan tetamu Sapura & Kencana Petroleum Red Ribbon GP Ball 2012 pada 22 Mac ini.



**BRODY...** pemenang @Oscar Aktor Terbaik hadir memberi sokongan.

**WILSON...** aktor antarabangsa komedi popular.

## Elrafaei Sapi

ahmadeirafaei@hmetro.com.my

**B**AGI peminat yang pernah menonton filem *The Pianist* (2002) karya terbaik pengarah tersohor, Roman Polanski, pasti mengagumi kehebatan lakonan aktor Adrien Brody. Filem itu bukan saja diminati ramai malah paling manis, Brody berjaya merangkul Oscar untuk kategori Aktor Terbaik. Begitu juga, kehebatan aktris Camilla Belle yang pernah membintangi antara filem popular, *The Lost World: Jurassic Park* (1997) dan *The Patriot* (1998) di sisi aktor handalan, Steven Seagal meninggalkan ingatan kuat pada peminat.

Bersama populariti dua pelakon terkenal ini, nama aktor Owen Wilson tidak ketinggalan menjadi idola ramai peminat genre filem komedi yang menantikan aksi barunya di layar perak.

Lakonan paling mencuit hati penonton ketika Wilson berganding bahu bersama Jackie Chan membintangi filem *Shanghai Knights* (2003) dan tampil menyumbang suara untuk filem animasi popular, *Cars*

sebagai Lightning McQueen.

Berita gembira buat peminat tempatan di sini, tiga pelakon antarabangsa ini akan turun ke Kuala Lumpur pada 22 Mac ini. Mereka menjadi tetamu istimewa yang akan menjayakan acara Sapura & Kencana Petroleum Red Ribbon GP Ball 2012 yang akan diadakan di Grand Ballroom, Hotel Mandarin Oriental Kuala Lumpur.

Acara ini mendapat tajaan utama, Tourism Malaysia dengan kerjasama Litar Antarabangsa Sepang (SIC) menjadi persembahan artis paling berprestij untuk tahun ini sebagai agenda menyemarakkan acara perlumbaan Malaysian Grand Prix.

Memberi tarikan, acara anjuran Sapura & Kencana Petroleum bersama Richard Mille sebagai penaja bersama berusaha membawa pelumba bersama pasukan Formula Satu (F1) dan selebriti antarabangsa digandingkan dalam acara tahunan ini.

Dianggarkan 600 tetamu akan hadir termasuk isteri Perdana Menteri, Datin Seri Rosmah

Mansor bertindak penaung Yayasan Aids Malaysia (MAF) bersama Menteri Pelancongan, Datuk Seri Dr Ng Yen Yen.

Turut mencemar duli, Yang di-Pertuan Agong, Tuanku Abdul Halim Mu'adzam Shah bersama Raja Permaisuri Agong Tuanku Hamimah, Perdana Menteri, Datuk Seri Najib Razak juga dijangka hadir diiringi barisan menteri kabinet.

Sambil berhibur, acara ini bermatlamat kebajikan untuk membantu Yayasan Aids Malaysia dan Projek Kemiskinan Global (GPP). Penerbangan Malaysia (MAS) pula tampil sebagai penaja rasmi penerbangan untuk acara ini. Penyanyi Dayang Nurfaizah akan terbahit sama dalam acara ini dengan mengadakan persembahan dan membantu aktiviti lelong. Kehadiran Brody, Camilla dan Wilson disahkan pihak penganjur manakala tiga selebriti antarabangsa lagi masih dalam perbincangan.

Menjadi acara ini lebih bermakna, pemilik jenama jam tangan mewah, Richard Mille turut mencipta jam edisi

istimewa, model RM 030 yang akan menjadi tumpuan tetamu. Jam automatik yang mengambil masa empat tahun untuk dicipta diserikan dengan emas merah 18 karat bersama titanium.

Bagi peminat yang ingin hadir pada acara ini, jualan meja untuk 10 tetamu disediakan pada harga bermula RM35,000, RM50,000, RM100,000 dan RM200,000. Memberi tarikan, pembeli meja harga RM200,000 membolehkan salah seorang enam artis Hollywood yang hadir duduk bersama.

Pembeli meja RM100,000 dan RM200,000 juga dijemput dalam satu sesi pertemuan secara peribadi bersama artis antarabangsa terbahit. Peminat yang berhasrat hadir secara individu juga boleh hadir dengan membayar pada harga RM3,500 atau RM5,000.

Penganjur mengharapkan sokongan ramai pihak khusus syarikat korporat mengambil peluang membeli meja sebagai sokongan dalam membantu menghulurkan sumbangan untuk Yayasan Aids Malaysia dan Projek Kemiskinan Global (GPP).

Headline	Kumpul dana		
MediaTitle	Harian Metro		
Date	06 Mar 2012	Color	Full Color
Section	Rap	Circulation	324,097
Page No	r11	Readership	1,981,000
Language	Malay	ArticleSize	618 cm <sup>2</sup>
Journalist	ELRAFAEI SAPI	AdValue	RM 22,737
Frequency	Daily	PR Value	RM 68,211

Untuk sebarang pertanyaan  
dan pembelian meja boleh  
menghubungi talian 03-4045  
1033 (Yayasan Aids Malaysia)  
atau Allsports Services Sdn Bhd  
di talian 03-5513 5528 atau 012  
246 0522.